

湯子遺書



公移

勦殺叛賊鄉勇姓名聽候獎勵以鼓人心事

盜犯越獄事

塘報擒渠斬逆事

逆賊蕩李在卽愚民迷網可憫諳切曉諭協

心剪除以保全身家事

招輯殘黎及時歸耕共圖生全無誤身命事

再飭招徠開墾以奠民生事

塘報擒渠斬逆事

湯子遺書卷八

目錄

稟報事

協濟之蝕侵已久等事

衙蠹玩法事

遵諭敬陳南贛險隘等事

逆渠投誠未出難民安插無緒等事


久獄久寃四命哭超事

夙疾舉發勢在莫支等事

活殺人命事

塘報擒渠斬逆事

塘報擒渠斬逆事



移會查驗偽首事

塘報擒渠斬逆事

移會查驗偽首事

劫殺事

行查荒熟事

請旨發審事

塘報擒渠斬逆事

議立社學以廣教育事

查明鋪兵身死等事

查明鋪兵身死緣由據實報明事

湯子遺書卷八 目錄

盜犯越獄事

籲憲恩准招撫以安庶類事

盜賊劫船事

盜犯越獄事

移解投順自願歸農事

移解事

遵化歸誠懇恩准撫事

敬陳末議設鎮兵以防寇等事

亟請多設禁卒等事

呈報人命事

開報事

活活打死男命事

緝解賊總以靖地方事

營兵包船違誤軍機等事

呈報馬船朽爛等事

逆賊投誠未出難民安插無緒亟行等事

蕪郡養馬獨苦等事

活殺八命事

民少荒多事

咨請嚴鞫事

湯子遺書卷八 目錄

屯糧全完懇查轉報以免遺累等事

查明鋪兵身死緣由據實回報事

稟報事

打死父命事

嚴飭防禦以固封疆事

彙報有功官兵擒獲活賊等事

粵賊搶劫事

嚴催奏銷軍器錢糧事

移解投順自願歸農事

亟請多設禁卒更夫以防不虞萬難刻緩事

懇恩申文留兵鎮守以靖地方以安民生事

呈報盜賊劫船事

又回詳三院前事

軍務事

禁革私收鹽稅事

行查荒熟事

查勘要隘地方量設官兵防汛等事

飭保甲分別兵民以靖地方杜混害民事

移解事

積病難痊懇恩速賜題請俯准休致無誤巖

湯子遺書卷八 目錄

疆事

四

病勢愈加服藥罔效再懇恩憐蚤賜具題休

致生還故里事

直陳病源仰懇憲鑒以光大典事

積病難痊懇恩速賜題請俯准休致無誤巖

疆事

逆渠既獲處置宜斷謹陳善後之計仰冀採

擇以靖地方事

巨蠹蝗國劣衿抗官事

呈報任內汰革冗役事

湯子遺書卷八

江西公牘

勦殺叛賊鄉勇姓名聽候獎勵以鼓人心事

長甯縣本城土叛作孽緣由看得長甯縣叛賊曹子布曹子粟等向居城內暗通粵寇潛謀不軌於十六年十二月二十七日同夥賊傅豹等忽起異變殺死街民逼官勒印及該縣具文密報請兵勦除爲彼所獲益加橫肆真逆天巨叛罪不容誅幸虔院預念粵寇之害先期移咨廣省各院遣將發兵勦破廣賊遂使賊之外援不至該縣密令典史鄭之鵬巡檢王顯祖徐良弼鄉宦張問行貢生張湯子遺書卷八

江西公牘

一

尙緯生員曹世治等督率各坊鄉勇併傳外廂鄉勇進城奮力救援當卽殺死賊首曹子布傅豹等鄉勇被傷者三人餘賊奔潰又經各保鄉勇沿途緝殺奪獲僞示曹子粟陳彩等賊亦俱授首共斬賊級二十五顆見今地方安堵此賊皆世居長甯乃敢包藏禍心謀逆作亂若非憲臺頒行保甲之法申飭有素該縣仰遵德意訓練鄉勇紳衿明於大義眾志成城戮力剪滅何能使渠魁盡殲定大亂於呼吸除仍嚴行搜勦餘黨外今據該縣查明前來相應轉請憲裁將有功紳士鄉民酌行獎勵

陣亡家屬酌賜優卹以鼓忠勇以勵後効統候批
示遵行

盜犯越獄事

贛州府詳監犯苗應賓等招由看得苗應賓廁跡
營伍與盜犯夏元等潛通線索同謝袁太帶銀入
監暗行賄賂密謀越獄沙間之耳語獄內之寄書
張勝之口供鑿鑿問何以出監則掘洞於後牆也
問何以出城則從湧金門望江樓之中以布墜下
五犯先後次第歷歷可指也且夥賊買船由南安
來接應開船下儲潭達柏家村去路又甚分明也

湯子遺書卷八

江西公牘

二

應賓情節屢讞已確毫無疑竇獨是原招引劫囚
律詳察情罪細釋律文則覺有未安者蓋用強劫
奪而後謂之劫囚應賓通賄密謀乘夜掘洞情雖
可恨終無強劫之跡該府廳改擬私竊之罪當無
所置喙也但賊尚未獲似難遠遣監候以待罪人
之得庶法理不至枉縱至於孔朝勝孫許兒二犯
堅稱係應賓仇扳卽應賓亦供二犯實不知越獄
情由曾勝亦供應賓與袁太同進監門未見兩人
之面翻閱原招拏獲二犯時亦未審問一語並無

口供可憑如此遂疑駢斬無怪二犯之嗟嗟呼籲

也本道初擬事久狡飾兩駁研審各犯供詞始終無異此二犯者應行釋放以免無辜含冤曾勝等俱如原議伏候憲裁

塘報擒渠斬逆事

贛刑廳詳賊犯陳元蜚等招由看得鄧逢吉陳元蜚久爲賊孽地方受其荼毒論平日罪惡皆在不赦巡檢陳正僉遵憲招令投誠逢吉造冊報名過堂領賞回家之後狼心不改橫肆猶前復爲陳子龍郭滄所擒且有旗幟刀鎗假刻關防一併解憲但嚴駁兩廳反覆鞫訊令旗令箭等物皆非當陣

湯子遺書卷八

江西公牘

三

所獲逢吉元蜚等犯亦非一處被擒黃廷佑郭滄先後口供游移細加推求而知各犯列旗對陣之說實塘報之飾詞也旣非陣獲又經投誠雖居民稱其做旗號造軍器而未有確據至於劫掠何村殺傷何人亦無苦主的証也刑名以律例爲師二犯實無死法矣雖然二犯鷹眼猶存雩民飲恨切骨幸逢吉回家未幾旋就束縛耳若假以歲時二犯終當肅聚山林無疑觀今海寇猖獗而虔南遂伏莽蠢動在在風鶴二犯若引投誠之例釋放不究是囹圄中少一賊犯地方上多一土寇也其不

便莫大焉該廳擬詳律流置遠方似斟酌法理庶
幾不至枉縱也至於黃六仔陳應龍林運衡余繼
倫皆耕夫傭奴委屬無辜久羈獄底淹淹待斃似
應卽速摘發行該縣安插取結存案者也陳正僉
受賄全無風影相應免議

逆賊蕩平在卽愚民迷錮可憫諄切曉諭協
心翦除以保全身家事

照得皇清鼎運維新海宇底定滇黔洞獠之地
皆歸版圖南交西域之人畢獻方物去年海寇鄭
成功以數萬之眾舳艫蔽江一旦大兵雲集掃蕩

湯子遺書卷八

江西公牘

四

無餘况區區小醜乃敢抗逆王師逆孽李玉庭

以山魘澤怪憑恃險阻攻劫鄉村殺害人民擄掠

財畜焚毀房屋逆天滅倫神人共恨本道下車奉

各院明文委曲招撫無非仰體朝廷浩蕩宏恩

不忍槩行誅戮不謂玉庭罪大孽極迷錮日深乘

海寇變亂民心惶惑之時遂大肆兇焰復行嘯聚

虔院震怒發兵已經擣其巢窟擒其黨羽今已烏

散瓦解正如入釜之魚投置之兔迷魂喪魄死亡

無日是乃上天欲滅此賊之秋但念地方百姓

或有從前被其迫脅不得不從者或有懼其兇暴

慮其未必遽死日後報復藏匿容隱不敢與官兵
通信者或有父母妻子被其屠戮飲恨切骨志欲
報仇而孤立無助者殊不知李賊此番勢窮力蹙
衆畔親離天道人事合當殄滅况都院威令著於
兵民恩信洽於遠邇今懸賞張示炳若日星若迫
脅之衆能擒縛獻捷或斬首報功千金重賞斷不
少吝從前過惡盡行宥免至於良民未到賊營者
尤當齊心同志遠近傳訪果得此賊蹤跡一面飛
報官兵一面協力擒斬料此時賊黨東奔西竄爲
數不多斬勦亦易但絕數孽之根可洩萬姓之恨
湯子遺書卷八 江西公牘

五

則地方永免盜賊之殺擄永免官兵之搜求且爾
等父母妻子被其屠戮者亦得瞑目九泉孝子義
士何憚而不爲此試觀賊黨如大張勝已就戎索
通謀窩隱者執縛纍纍新經招安者分發各伍入
冊食糧或給票回家歸農開墾擒縛張勝者卽出
於新降撫目王君寵之手見蒙都院重賞題叙明
鑒不爽孰得孰失宜何去何從也爲此示仰各縣
鄉保居民及被賊脅從人等知悉各宜仰體 朝
廷覆載宏恩都院深仁厚澤渙然醒悟如寐忽覺
反邪歸正棄逆効順保全身家專在此時 本朝

之法爲賊不悛被官兵擒獲者必誅無赦窩藏賊
犯及通同作亂者亦必誅無赦倒戈投順者盡宥
前愆誅逆自効者加等賞擢本道念爾等皆吾赤
子不忍令執迷不悟故剖白心腑痛切曉諭從吾
言者爲良民迷溺不醒者指日盡懼鋒刃血膏原
野後悔何及思之思之

招輯殘黎及時歸耕共圖生全無誤身命事
照得虔南兵火遺黎三空四盡自去歲至今復遭
李逆蹂躪焚劫屠擄備極慘毒以致田地不得耕
種不得收獲窮民嗷嗷無所控訴幸虔院恭奉

湯子遺書卷八

江西公牘

六

天討遣將誓師士勇兵強踴躍用命已擣其巢窟
俘其頭領今賊拋家棄妻東奔西竄偷生於荆榛
之中搖尾於釜甑之內指顧之間必當授首今時
方春和正小民盡力南畝之時恐心懷驚疑仍然
避匿坐失良時異日賊雖蕩平而稼穡無望何以
爲仰事俯育之資况虔兵半載征勦辛勤勞苦兵
餉仰給各縣若田疇荒蕪賦稅缺額豈能令彼枵
腹荷戈爲民捍圉合諄切曉諭爲此示仰贛屬軍
民人等知悉趁此東作之時各宜歸尋南畝加意
耕耘李逆殄滅在即萬不能爲爾等之害如爾等

肯齊心協力照本道前申飭保甲之法實實遵行
區區玉庭何難擒縛斬首獻之轅門以領重賞而
乃藏首遠避荒廢田廬殊屬愚昧至於前此曾被
迫脅者今能豁然醒悟棄戈歸農與鄉民同力捍
賊共事耕作地方居民不得追究舊惡致復驚竄
虔院號令嚴明官兵秋毫無犯斷不分外追求株
累良善總之今日用兵惟以定亂安民爲事不以
搜求黨羽爲功稔惡賊魁誓必勦滅脅從餘黨槩
可宥免但能棄戈歸正當下卽成良民生死關頭
間不容髮本道心事如青天白日言無虛假各宜
湯子遺書卷八 江西公牘

七

深思母貽後悔

再飭招徠開墾以奠民生事

照得本道欽奉 勅諭有勸課墾種之責必令里
無游民野無曠土方不負委任之意下車以來屢
經申飭今當春和農功伊始恐各屬勸相不力令
惰農之民待命於天而負天之時責成於地而餘
地之力稼穡不興草萊如故本道亦有曠官之懼
爲此仰府官吏卽便通行所屬各縣遍諭境內小
民趁此東作之時如見在土著者亟宜及時耕耨
流亡他鄉者務宜及時歸業有田土者當盡力南

畝無田土者准令開墾無主荒田印官給照永爲
已業無力開墾者官給牛種三年後方准照例起
科地方有司亦當勞來勸相鼓舞興作不時巡行
郊野躬親督課勿差役下鄉騷擾里甲勿濫准詞
訟妨廢農業勿以荒作熟致民賠累勿加耗科派
致民逃竄勿妄興不急土木勿妄監輕罪人犯至
於民間釀飲賭博斂錢唱會打醮進香皆召亂耗
財妨農廢業之大蠹尤當嚴禁本道專以農政之
修否爲有司之殿最若能使里無游民野無曠土
本道不靳特揭薦揚優敘成例具在斷不負良吏
湯子遺書卷八 江西公牘

八

苦心仍將勸墾過荒田畝數造冊報道以憑查考
文到卽令各先具遵依繳報速速

塘報擒渠斬逆事

贛州府申詳賊犯陳元蜚等緣由看此案奉院憲
牌陳元蜚等有馬匹器械關防經前道會審兵刃
旗幟令箭令旗偽印關防確有可憑各犯自認無
辭俛首服辜今該府據供俱請矜釋以家藏偽印
之賊可以寬釋則天下無不可釋放之賊矣旗箭
偽印關防今見貯何處偽印關防是銅是木係何
官銜既實心投誠何不將此犯禁之物首之官府

或投之水火而仍留於家則存心不測可知矣詳
中並未究明事關重大不便草草理刑廳專司刑
名仰提案內人犯逐一窮究到底勿得聽其支飾
致有枉縱速速報

稟報事

贛縣稟報殺死女人緣由批據報地方殺死人命
事關重大但不知係誰氏婦女年歲若干因何至
打船空廠傷痕在何處仇耶盜耶抑有別情耶空
廠左右有無鄰居殺人必有喊叫聲息鄰人豈得
全無聽聞忽有人報是何姓名仰該縣卽細細查
湯子遺書卷八 江西公牘

九

驗明確嚴緝真正兇犯究明如律招解速速繳
協濟之蝕侵已久等事

贛州府詳定南縣龍南縣各屬協濟銀兩由批此
案兩奉院批一據定南申一據龍南申俱經前道
轉行該府查議自當並叙緣由何得將龍南一批
全不提豈原行爲該房沈匿耶定南荒殘最甚
協濟銀兩拖欠如許各縣稱 皇恩赦免不知果
否拖欠在民抑從前官役侵欺耶新定全書果否
全無款項廬陵不在退方何至杳無回報院限十
日全完今已年半矣該府猶未查明止以驗文章

草回塞不知該經承何以怠玩至此極耶仰府逐
一再加確查應解者速行催解厲檄廬陵勒限回
報仍備叙原行詳報酌轉勿再令經承覆誑也速
速繳

衙蠹玩法事

甯都縣詳書手玩法由批勸墾荒土土足國課
下利民生爲今日第一要務十五年開荒冊屢經
檄催立等造報何物會學禮等敢藏匿原牌科斂
肥己贓私纍纍真弁髦三尺矣衙役犯贓不准折
贖新例甚嚴何得仍以贖請仰贛州府嚴提確審
湯子遺書卷八 江西公牘

十

併緝葉國遴等一併究明照例分別招解繳
遵諭敬陳南贛險隘等事

贛刑廳詳設防虔南汛守等由批覽詳虔南山川
險隘汛守方略指次如掌伏波將軍聚米而談不
是過也卽當藉手轉達各院以爲鞏固封疆之計
此繳

逆渠投誠未出難民安插無緒等事

雩都縣詳李玉庭執迷不出由批李玉庭依山負
嵎執迷不出逆順禍福之機全然不知可謂愚矣
且伊父見在省城生殺惟部院之命彼遂巡狡詐

不念及乃父乎天倫恩義愀然至此真良心死盡
天理滅絕恐深山大澤之禽獸亦將羞與爲伍黨
羽苟有人心豈肯從之趨死昨奉部院憲牌剴切
嚴明已行該縣矣仰遵依再行面諭無負部院始
終推心置腹之意速速報

再論久獄久寃四命哭超事

鞫刑廳呈詳犯人鄧湛暘等招由批此案兩家十
八命祇因該縣隱匿盜情沈擱不理遂耽延入載
竟成疑獄當時鄧純一與地方劉李朋等俱告報
在兩日之後十一人之屍骸俱存使該縣留心民

湯子遺書卷八

江西公牘

七

命何難審定鐵案乃竟置之不問而承讞官又不
能虛公研究偏聽失入殊可異也今是非大端已
明金壽之久已物故郭氏之杳無蹤影教化存之
信傳於兩年之前其爲王起泰之借端起釁毋煩
再論起泰率衆攻殺出於鄧瑞貞之口卽鍾氏曾
氏等之哀訴王調王尙之干証亦皆由於起泰之
提掇則起泰爲戎首無疑鄰佑李舒庭李德先俱
供九年四月十一日強盜圍了鄧家房子次日廳
廚俱是死屍今北房被燬而二屍現存則王起泰
之聚衆執械殺人圍屋是真如是巨兇捨其人命

不究僅擬誣告之條當耶否耶今 功令森嚴獄
情久延不結問官皆當任咎擬罪不當刑官尤有
專責該廳再細究真情查明確當律例刻速招解
本道蒞任一月遲誤之咎不任受也立候繳

風疾舉發勢在莫支等事

石城縣詳患病由批石城荒殘小邑該縣飲水六
載彈盜墾荒備極苦心本道素所深悉卽偶有微
恙自當勉事藥餌務求速愈豈得興懷萼鱸遽賦
歸來仰善自調攝稍痊卽出視事仍候院司詳行
繳

湯子遺書卷八 江西公牘

十三

活殺八命事

贛刑廳呈詳犯人廖養重等招由批此案已經八
載若曰不係謀殺故殺則當援引 恩赦以蘇沈
獄然觀其白日揮刃慘殺七命卽三犯還首死者
猶有餘恨細閱招情詳察律意威力主死之條是
否允協事關多命不便草轉該廳職司明刑正於
此等疑獄見折獄之能務要究其真正兇手當抵
者當釋者引擬妥律報止具新詳不必備錄前招
耽延時日速速

塘報擒渠斬逆事

贛刑廳詳賊犯陳玄蜚由批據鄧逢吉供是被擒
在九月初四日而黃廷佑初供九月十九日石屹
地方黃茂清同鄧逢吉數千人來衝營陳子龍塘
報稱二十四日范日星黃茂清管瑞明鄧逢吉李
秀元等統兵廝殺時日不符豈逢吉被擒二十日
而子龍始假捏塘報乎抑逢吉發供投誠回家一
日卽拏以見反復無據爲後日脫網之地乎廷佑
又供拏賊來歷自有經手可鞫經手的係何人陳
鄧二犯俱供到營四五日忽見有此器械此器械
的自何來事關大案狡賊飾辨與劣弁冒功俱難
湯子遺書卷八 江西公牘
輕輕放過仰該廳再一確訊連人解道以憑面審
定奪

塘報擒渠斬逆事

贛刑廳詳鄧逢吉等由批據審黃六仔陳應龍林
運衡余繼倫皆爲人傭工口供甚確斷非賊徒仰
該廳卽行各該縣取其鄰里田主甘結報道以憑
轉詳開釋鄧逢吉陳元蜚俱係千總郭滄所拏則
滄卽爲經手之人矣本道喚滄面訊據稱元蜚獲
於寒婆嶂逢吉獲於芭蕉坑而逢吉之居址卽在
芭蕉坑且併其妻劉氏一同俘獲豈婦人亦能對

敵乎則滄之言不足信也明矣但令旗世根止有
偽印一顆篆文爲建威將軍之印不知此係黃茂
清之印否茂清投誠此印曾繳否當今寇氛未靖
若借偽印以招搖惑亂人心大爲不便張熊可謂
前鑒也該廳仍與郭千總細問此旗來歷茂清投
誠曾否繳有偽印不得以不知何來印字遂爲的
據也原批府詳仍未粘繳何也一併查繳速速

移會查驗偽首事

贛州府詳犯人陳廷甫等由批郭玉才等與陳廷
甫陳相元俱係良民劉應虎捏報要功天理軍法
湯子遺書卷八 江西公牘

滅絕盡矣事關

題奏廳詳雖已明悉該府未具

勘語不便轉報藍桂一案既係一疏自當一時併
詳虔憲原疏未得披讀仰該府一併查呈備入看
語限次日卽報嗚呼死者不可復生本道三復此
案未嘗不爲之長嘆息也十二人中止存二人淹
淹囹圄豈堪再爲耽延哉速速繳

塘報擒渠斬逆事

贛刑廳詳犯人陳元蜚等由批據郭滄供未見陳
玄蜚挈旗擒出物件仍有供的菩薩夫行陣豈供
佛之地則是得之房中非得之陣上也明甚但元

蜚爲茂清之家僕逢吉爲投誠之舊賊元蜚於茂清就撫之後逢吉於過堂回家之後曾否劫掠某村殺傷某人該縣士民自有確論如果有劫殺的據又不在陣獲不陣獲也總之亂後餘孽投誠則撫之爲賊則誅之無非爲民計耳若就撫而後擒是阻人投順之路爲賊而不誅是貽百姓無窮之殃仰廳仍行各該縣從公確查不得以從前事跡湏入亦不得曲爲徇縱限五日內報廳轉報本道同黃六仔結狀併繳

移會查驗僞首事

湯子遺書卷八

江西公牘

五

贛州府詳賊犯王勇總等招由批藍桂等一案初經前道會審稱張旗列陣汹汹對敵殺傷我兵當陣擒獲再經軍廳覆訊又稱委無異詞故後數招皆置之無容再議矣今據該府廳詳口供與前絕不相合及本道當堂研審又與今詳互異如藍桂初供係上下莊打仗腳疼躲在屋蓬下挈住旣日打仗雖因腳疼潛匿仍與陣擒無異今稱挑油爲生未言何時入營大兵進剿途遇挈來不知係何地名還是自賊營逃出被擒還是途間挑油被擒該府據擬減等是否允當劉赤仔初供賊拉去三

年歲時已久則甘心作賊可知今供在營止十日
是否的確且各犯口供皆被賊挈去先從後逃獨
與赤仔一人改擬流罪果否足服各犯之心何前
副將初供係南雄府始興縣人今供原名陳多嘴
湖廣桂陽人及本道面訊又堅稱本名鄧家彥叔
名鄧思昌實係始興人併不知陳多嘴爲何人從
未到桂陽何前後不侔如此王勇總招頭稱惠州
和平人廳詳稱南康縣龍回堡人本道面訊又稱
實非南康人潘長仔亦非韶州人此皆招中之粗
節便種種不合可見諸犯形蹤詭祕言詞閃爍而
湯子遺書卷八 江西公牘

六

欲執爲定案本道惴惴不敢信也鍾大將被兵挈
於何地或係先自賊營逃出被擒於家或係陣敗
潛遁次日搜出此中亦當辨明庶不至失出失入
事關 題覆各犯生死關頭難容一筆草率致有
枉縱仰府仍會同刑廳虛公再加研究務要字字
真確以成鐵案毋得仍前游移未便速繳

劫殺事

興國縣詳犯人王有案等由批據該縣前申稱王
有案舊係王大勇黨羽挾仇殺擄王永冠等七人
盡行殺死婦女悉被擄去胞嫂鍾氏逖回說知等

情今鍾氏現在何處何不提來一問如果是真則
有案慘殺七命豈得朦朧一杖了事且王有案先
以本名告後以王德魁名告情詞閃爍殊爲可疑
仰縣嚴提事內人犯虛公確審招解軍廳批詳何
得混粘本道詳內經承藐玩極矣一併究懲速報
此繳

行查荒熟事

南安府詳崇義縣荒熟田畝由批南安各縣兵火
之後荆榛塞路佩犢無聞招流移墾荒土自是縣
令第一首務屢奉 明綸有司勸諭開墾豈容捏
湯子遺書卷八 江西公牘

七

報開荒希圖

恩典據詳稱前任知縣朱組綬任

內奉莊知府吊取該縣經承謝家繡造報開墾夫

勸墾造冊係縣官職掌該府豈得不據縣冊勒令

經承造報耶且開荒必有花戶姓名豈家繡茫無

憑據任意分撒而縣官亦付之不問耶或係前官

以荒作熟捏報邀功或係今日以熟作荒希圖混

免或係先前開墾後復荒蕪必要撤底澄清方可

據實轉報如荒蕪是真自當力請豁免以甦殘黎

若有未確未得草草混請致虧

國賦仰府遴委

廉幹廳官親詣該縣履畝清查務要至公無私取

具糧戶認狀與府廳縣印結一併粘申詳明情由
速報繳

請旨發審事

南安府詳犯人孫大等由批孫大等因搶奪鄉民
之鴨輒鎗亦交加致鍾應貞兄弟斃命頃刻明係
故殺與鬪毆殊科各院批示最爲嚴切今詳仍照
原擬陳報國仍未緝獲何以伸國法而贖死者
之目且非仰體平藩兵民一視之盛心也事關

欽案何敢失出入况耽延已久若再奉院駁遲
誤限期誰任其咎仰該府再會同南雄府再加確
湯子遺書卷八 江西公牘

六

擬務與律合嚴緝報國期於必獲以正國憲速
速報

塘報擒渠斬逆事

穎刑廳詳犯人陳元蜚等招由批陳元蜚鄧逢吉
久爲賊孽士民飲恨切骨若受撫情真則法當從
寬如詐降仍叛則憲典不赦粵都地方居民稱其
過堂回來做旗號造軍器仍同舊黨作亂是陽撫
陰叛特未指實切掠某村殺傷某人耳今以殺之
無名擬以實流不知有成例可援否但降爲詐降
情更可恨未可以受撫二字爲二犯祝網也况元

輩撫冊無名茂清不認爲家僕又何爲而槩從末
減乎黃六仔等無人出保押發原籍安插是否妥
便仰該廳再確議報繳

議立社學以廣教育事

贛州府詳捐輸興立社學由批江右爲理學之鄉
昔王文成公敷教虔南一時黃洛村何善山諸先
生蔚然興起海內之視南贛稱東南鄒魯矣近年
以來屬兵戈擾攘之後下邑窮鄉豈無俊秀子弟
止爲訓導無人觀摩無助甚至衣食有缺不能供
給束修以致一字不識一善不聞椎魯愚頑多以

湯子遺書卷八 江西公牘

九

惡敗真可嘆惜今立社學以養童蒙置義田以備
館穀誠今日第一要務本道亦捐銀伍十兩助成
盛舉仍發去本道舊刻社學教約一冊卽王文成
公訓蒙條約也仰該府發贛縣照式刊刻頒布學
中使教讀遵依勿得聽信流俗妄自更改仍通行
所屬各縣俱要一體設立必查訪學問醇正品行
端方者聘以爲師其行止不端曾出入衙門囑託
公事不能安貧樂道者雖文辭優長不許濫克師
席具有剽竊異端邪說炫竒出異蠱惑後生者卽
革去館穀另選良師爲師者須循循善誘使知身

心之本勿玩愒歲月虛應故事然須該府縣誠愛
惻怛視民如子勤勤懇懇隆師重道方克有成數
年之後人文蔚起禮教日新庶不負本道興立社
學之意仍取各屬縣遵依報繳

查明舖兵身死等事

贛刑詳零都縣解張時宇監候病故由批張時宇
既審係無辜未及具詳而畢命獄中則長逝者飲
恨無窮矣二十五日至初三日不過數日耳該廳
審時本犯有無病症得病於某日係何樣病症獄
官曾否傳醫調治或是禁卒酷刻或係衣食斷絕
湯子遺書卷八 江西公牘

三

或有別項情故夫殺人之賊罪在不赦今不應死
而死之以獄是何異於重囚處決者也仰廳仍細
心查明併將獄官職名呈報不但懲其已往亦可
儆其將來母得草草其屍速令屍親領埋取領狀
報繳

查明舖兵身死緣由據實報明事

贛刑廳詳謝木壽張時宇鄒士先等招由批張時
宇因與樂安之謝木壽耕田相識索其飯而斫其
身則非同黨可知未可以窩論也既係病死委無
別情姑免深究速令屍親領回掩埋在官木壽之

甚於猛虎也仍將行過緣由回報查考毋違

塘報事

據該府塘報據該縣呈報李玉廷復謀不軌等情到道查本道奉 敕虔南弭盜安民與有專責地方盜賊生發卽當飛報本道以憑籌畫方略此於下車後不啻三合五申矣不謂該縣視本道爲贅疣竟無一字相聞初接府報已不勝愕然猶以爲差役之遲滯也今數日杳無一報豈該縣以地方安危本道毫無干涉乎經承藐玩至此真堪痛恨合行提究爲此仰零都縣官吏卽查李玉廷復謀湯子遺書卷八

江西公牘

三

不軌有何的據該縣塘報不合本道與聞是何意見文到卽日明白具文回報併將藐玩經承一併解道懲處勿得抗延刻速刻速

嚴飭塘報賊情事

照得弭盜安民地方官第一急務近來屬縣視爲緩圖漠不關心平日防範之法旣踈事後緝捕之術又怠且遲延不報有三日後以驗文申報照尋常入舖司投遞六七日內始達巔城十數日方達南郡本道者更有上報虔院下報該府以本道爲贅疣竟無一字通聞者如此玩盜殃民藐視法紀

殊可詫異本當卽行揭參姑特酌定期限再爲嚴飭爲此仰府官吏卽轉飭所屬各縣印官吏查照票內事理如遇盜賊生發一面照本道節次申飭星速緝捕一面刻速差的當健役遵律例晝夜須行三百里飛報本道以憑轉請發兵勦捕報內併書時刻及經承差役姓名如差役遲誤時刻者罪在差役簽發遲誤時刻者罪在經承若隱匿不報者訪出定指名揭報題參 功令森嚴勿貽後悔

開報事

贛州府詳犯人黃吉等招由看得甯都縣私收幫

湯子遺書卷八 江西公牘

三

運一案前奉虔院憲檄已行該府嚴審隨據府詳甯都幫運之需係合縣紳衿士民會議書立合同每石幫運官盤費銀一錢迺民間自願樂輸非私行科派者可比又稱逐一研審縣丞委無私派情弊到道本道恐其徇庇復批駁嚴審務得確情以憑轉報催據署府畢同知詳稱幫貼之議實因一邑士庶思糧官解運萬不能賠恐其終將攀已故有此陋規而效爽因循不改原非良法仍照原擬復詳到道竊以漕糧官解自屬善法糧官賠累難支投江而死者纍纍有徒前虔憲請改省運爲贛

人陸光祥客商黎世重等船四隻由批陸舉人與
客船黎世重等倚塘泊舟自謂可恃無虞乃賊船
假裝差官持刀帶箭乘夜劫掠塘兵先無稽察後
無救應所司何事地在該縣上流去縣五十餘里
順流而下自由該縣城下經過使聞報星夜追緝
豈能飛渡不意該縣漫不經心十六日晚失事二
十日晚始報到道且驗文草草塞責愈忽極矣仰
縣嚴督捕役加意緝拏務獲真盜併查陸舉人等
見在何處人口有無被傷劫去贓物若干一一查
明仍將違玩經承解道懲處速速報

湯子遺書卷八

江西公牘

三

盜犯越獄事

贛刑廳詳覆問過犯人苗應賓等議擬由批苗應
賓無劫囚之跡是矣但身爲營兵私通監內強盜
爲之布置接引擅越禁城而去較之平民情更可
恨况今賊尙未獲改擬邊戍果否情罪允協孔朝
勝孫許兒當時原未招承草草遂擬駢斬真爲可
異但今時已久遠遽議釋放是否得情事關欽
案不便草轉仰贛州府會同刑廳秉公執法再隔
別細加窮究確擬妥招限三日內報

龍南縣詳涂茂星等投誠由批翁源縣小水瓦全
二圍旣係粵寇往來必由之路居民供應酒食情
非得已况奉院懸牌招撫涂茂星等各率妻子悔
過投誠自當赦其前罪嘉與維新以昭大信不便
復咎旣往阻人投誠之路也應如何安插仰該縣
卽行確議妥當造冊具結速報繳

移解事

贛州府詳賊犯周禮明等覆確由批本道面審周
禮明鍾亥吳長仔口供無異其爲真賊無疑獨劉
元升供一家避賊於瑞金地方回家取稻穀被大
湯子遺書卷八 江西公牘

語

兵擒來並未至賊營恐係時久狡辨冀求倖生但
真賊則當正法不可不有以服其心仰府再一細
訊務得確情卽錄本犯口供立刻具看語報道以
憑酌轉速繳

遵化歸誠懇恩准撫事

甯都縣詳撫賊鄒嘉祥等由批據報鄒嘉祥等遵
諭投誠傾心向化自當宥彼前愆以彰大信不得
聽地方居民推求往事爲之報復舊讐沮抑歸降
之路仰卽令備造荏名盡繳器械聽候院批示安

插

甯都查其果否在田頭新坊耕田有無鄰佑可憑
至日另報外緣伏祈憲臺電鑒始末或念張何二
犯事同一體一併寬釋或候何犯甘結到日另結
統惟憲裁批示遵行

粵賊搶劫事

准嶺東道相移犯人李悅有等緣由准此看得李
悅有之被龔慶吾誣盜也禍起爭婚事因圖賴蒙
憲臺矜察詳慎檄發嶺東道查館卷之有無以爲
此案之確證真犀照之下無微不見從此園土無
冤良民有幸矣本道遵示備移嶺東道今准移覆

湯子遺書卷八

江西公牘

三

情由併移送王昌瑞告生賣枕妻文卷到道查詞
內有李悅有之名且慶吾所指爲盜之九人皆館
案昌瑞所告之被犯則爭婚仇誣情弊昭然矣嗚
呼隔省飛盜安能遍識其姓名無械無贓何所據
而誣之爲強劫乎且此一案也李惟高李舒華斃
命於先鄧明瘐死於後無辜冤魂悲號獄底三復
此案不禁爲之髮豎也龔慶吾始而白奪人妻既
而誣良爲盜陷殺三命罪極難追李悅有應速行
釋放李毓明等應免緝究龔慶吾應按律究擬以
爲誣良之戒伏候憲臺批示

蒸有罪不至死而死者所傷天理不細該廳稱各
邑例有額設禁卒皆領工食各邑動稱囹圄空虛
應照禁卒年貌冊坐名提取此議似屬可行蓋各
重犯俱解贛城俱繫府監故各縣得以囹圄空虛
而禁卒冒濫工食銀兩毫無事事誠屬無益仰該
府卽坐名提取勒限解到毋許延緩時刻俟重犯
歸結漸少仍行發回仍速多撥健壯晝夜用心防
護移行軍廳添設更夫再周圍細查必須墻垣高
厚荆棘密樹更鼓巡邏達旦勿懈仍將各犯逐一
查審如有情輕可矜釋者卽造冊具詳報道或徑
湯子遺書卷八 江西公牘

美

報都院裁奪討保寬釋至於撥派營兵候詳院飭
行可也事關重大慎之速速繳
呈報人命事

贛刑廳詳犯人鍾曰奇等招由批鍾曰奇窺堂兄
鍾曰意積銀十五兩遂與鍾伯元同謀殺死支解
其屍兇慘異常倫理大變閱之而不怒髮切齒者
非人情也彼狡飾爲報父仇焉有同居共爨而有
夙仇之理况曰意父死十餘年曰奇父前年病死
鍾與會之口供鑿鑿不誣乎本道面審兩犯俛首
服辜已無疑議但按律故殺人殺死之後欲求避

罪割碎死屍棄置埋沒以故殺論今於氣尙未斷之時亂刀交下支解七塊與死後避罪者是否相符且故殺律在監候斬罪條內此爲凡人言也曰奇與曰意係同祖堂兄弟似與凡人殊科情罪重大務求詳慎兇器曾否拘獲詳中未曾說明仰廳一併查確妥招速報立等轉報此繳

開報事

贛州府詳甯都縣縣丞陳效奭船戶黃吉等私派招由批私派之弊屢奉嚴禁 功令森森難容假

借據詳稱民自樂輸非官科派信如此言當輸納

湯子遺書卷八 江西公牘

恐後何以尙有未完則知非盡民情之樂矣如揭中所開祭江用猪羊可矣花紅布與江神何用差舍酒飯俱用私徵銀兩何可爲訓縣丞係職官不可與小民徒步是矣使縣丞不解糧赴府其轎夫亦私派錢糧供用乎因損船而有蒸晒使黃吉謹慎慘舟無損舟濕米之虞此三十三兩五錢者不知歸之官乎仍還之民乎事關民間利弊不便草轉仰府會同軍廳再加嚴訊務得確情如律招報速速繳

活活打死男命事

會昌縣申詳犯人鍾時京尹際漢告息由批人命重情豈容私和大凡地方有告人命者該縣當卽刻赴屍所相驗吊集一干人犯審明起釁根由有無夙仇下手的係何人執何兇器打傷某處是否致命之處傷痕輕重若干是否致命之傷眼見的証何人一一具詳速報本道如果係真正人命然後批令細檢確擬如係屍親假命圖賴自有本等律條查此案在去年十月今已八閱月矣尙未檢審明確止具文請息不知此八月內所爲何事本道大惑不解且前道批有張含委檢等語文中亦

湯子遺書卷八

江西公牘

三

未叙明事關人命不便草草仰理刑廳嚴究依律確招報速速繳

緝解賊總以靖地方事

贛軍廳詳問過賊犯伊福壽李奇珍口供由批據審伊福壽口供七月二十五日被賊拏去二十八日走回李奇珍供七月二十三日被賊拏去二十五日走回是二犯爲賊驅使不過三日耳且係練總查報非從賊營擒獲情俱可矜似應請釋但查縣詳福壽田主曾伯求今稱曾鳳廷名字既已互異又詳云不識田主之面田主亦不認識則所供

情節明係二犯狡口飾辨冀求脫網事關盜情務求詳慎仰廳再加確訊刻速招報此繳

營兵包船違誤軍機等事

南安府詳兵丁楊九龍包船辱官由批據該府原詳楊九龍包攬船隻穢詈印官大干法紀及至奉批查審復云未敢相詈仍發營充伍如此則兵丁之驕橫者復何所忌憚牧民之吏從此低眉下氣於悍卒之前焚焚百姓又將何以自存乎事關營兵不便姑息仰府再確查解報以憑轉達速繳

贛州呈報馬船朽爛等事

湯子遺書卷八 江西公牘

三

贛州府詳馬船朽爛由批此船係何年打造何年解用如果年深日久更造猶可如視爲外縣之物全不照管任憑狂風飄蕩破壞則求更造何可爲訓且船必先損傷而後破爛何不預請修理猶易爲力必止存爛板舊釘而後求新造耶或應行更修或應責令賠造詳中殊屬游移不便轉報仰府再加確議速報不粘原牌何以稽查原行一併申飭繳

逆賊投誠未出難民安插無緒亟行等事

粵都縣詳李玉庭不出投見由批李玉庭屢奉部

院推誠招撫自當傾心來歸返邪歸正轉禍爲福
正在此時何乃稱病深山坐失機會 朝廷恩德
浩蕩凡革心向化俱破格叙用玉庭諒不聞知部
院心事如青天白日從前奉諭投誠盡從優錄一
切前非槩置不究况免死之牌已經給發玉庭復
何所疑畏卽果偶有小病所居之山去贛城不遠
不妨驅車至城投見本道暫寓庵寺本道朝夕遣
醫致藥病痊撥舟送至省城叩見部院若猶豫不
決恐將來後悔無及本道蒞任方新志在撫綏地
方若一人不歸王化實切痾瘵該縣備述本道推
誠至意再行婉諭務令出山方見真心醒悟如堅
執不從卽報本道以憑定奪速速繳

贛郡養馬獨苦等事

贛州府詳養馬由批此事已經前都院具題奉有
俞旨今南安以大庾地隘民貧申詳控籲若不
詳議妥確恐一旦養馬屆期貽誤未便仰府仍會
同南安府從長酌議務要經久可行詳報本道以
憑酌轉勿得草草具詳朝奉文而夕復申籲也此

繳

活殺八命事

湯子遺書卷八

山西公牘

三

贛刑廳詳犯人廖養重等招中批廖養重等與姜公贊等以筆禾細故互相毆殺觀廖姓悔過請謝似與謀殺故殺有間但揮戈當市立殺六命被傷姜方新再宿而亡當兵刃相接天日爲昏卽曰心鏡斃獄然姜姓亡命豈一手一足之力乎五徒七杖可抵六命否獄重初情蘇司李原招何不備入口供忽稱十月忽稱九月何爲確據仰廳再細加研審務要罪人輸服死者贖目仍將招供查明依律確擬速報

民少荒多事

湯子遺書卷八

江西公牘

三

贛州府詳丁啟成熟作荒由批據詳稱丁啟等冒他姓之荒掩在己之熟捏告歸屯希圖逋課責令與嚴燦計畝分墾按期升科足矣但閱周刑官原詳在十九年起科查此案已奉撫部院憲牌於十七年升科該府已具遵行緣由報道矣何一事而兩易其說欲本道何所據以轉報該縣何所遵以奉行也仰速再確議報

咨請嚴鞫事

贛州府詳犯人李光啟由批劉氏旣果係王仁之妻仰候轉詳部院移咨李光啟強占遠戍兵婦大

干法紀唐光印既係保人何得縱令免脫且與之俱逝此中情弊明璽知之必確甯都解投何人輒檢生逃回仰府逐一確查嚴緝光啟務獲候院批示至日定奪繳

屯糧全完懇查轉報以免遺累等事

贛州衛詳屯糧全完由批該衛自稱屯糧全完本道檄行軍廳查取清冊轉報該衛抗延不繳經承貌玩極矣今忽申贛冊卷懇求轉報何也藩司承行恣意刁難果有憑據該衛即當直申本司未有不盡法嚴處者何曉曉向本道控籲耶冊卷候查湯子遺書卷八 江西公牘

明仍同欽奉 勅諭一案轉報可也

查明鋪兵身死緣由據實回報事

雩都縣詳荆刀逕殺鋪兵易健由批鋪兵易健送文被殺地方大變仰該縣嚴督巡捕員役移會駐防將弁勒限嚴緝真賊務要盡數擒獲本道已檄瑞金縣協緝謝木壽矣該縣再速密移星夜躡拏嚴究招解毋得怠忽自取咎戾繳

稟報事

贛縣稟報奸道劉德明營兵宋子英揚旛鳴鑼由批邪術煽惑人心爲治道大蠹屢奉 上諭嚴飭

本道下車卽以此爲首務嚴督所屬設法緝拏究
奸狀不啻三令五申矣奸道劉德明倡率營兵宋
子英數十人揚幡鳴鑼直入縣堂毆打守門人役
目無三尺真堪詫異仰該府嚴拏重究於定律外
加等治罪仍解道轉報 上諭煌煌母得徇縱速
速

打死父命事

贛州府詳犯人劉大富等招由批劉氏產病身亡
乃翁生則延醫死則棺斂劉大富索詐不遂輒逞
兇痛毆致天標殞命很暴極矣罪至罔抵務求詳
慎仰理刑廳再細加研審果否用拳毆死有無兇
器傷痕是否的確人命拖累多人是一虐政劉大
祥等果係無干應否釋放確議妥招解報速速繳

嚴飭防禦以固封疆事

南安府詳兩城各官分守并捐資買穀由批南安
路當衝要城郭空虛未雨之防不可不慎據詳會
同協鎮及各官分汛督守捐資買穀以備軍儲具
見固圉良謀此本道所寤寐企望者也中軍已勒
令星馳前去矣此繳

彙報有功官兵擒獲活賊等事

贛軍廳詳何石揚仔等緣由看得擒獲活賊一案
共犯六名難婦二名其鍾過房張先仔鍾玉龍李
潔宇四名先後病故現在監禁者止何石揚仔張
應我二人耳應我屢經審訊耕田爲業口供鑿鑿
已行與國取有田主王魁寰鄰佑陳益貴等甲長
胡四我等并結可據張應我委係無辜理應候示
釋放獨是何石揚仔因難民蕭富有見其與賊打
旗之說故承讞者不敢輕爲祝網然細閱招詞年
方十八正在愚蒙六月爲賊所擄七月大兵來勦
爲賊脅從時日無幾窺賊將潰乘間潛藏被鄉民
湯子遺書卷八 江西公牘

三

擒獲於山上未嘗有執械拒敵之實也兵將志在
廓清疑似者難容免脫盜蜂起民不聊生被擄之
敢深入則該廳所稱寇盜蜂起民不聊生被擄之
夫皆同難民蓋亦仰體憲臺好生之德冀邀寬大
之政者也本道三復此案鍾過房等情多可矜而
死者不可復生僅餘二犯何敢再爲耽延使囹圄
之冤魂相繼不絕也除蕭氏取有伊親夫郭柱廷
胞弟郭柱貞結狀在卷楊氏仍嚴行該廳速催秦
和縣著令原夫蕭海宇到日領回取領狀另報何
石揚仔仍一面行該廳嚴催長甯鄰里甘結併行

敬陳末議設鎮兵以防寇等事

粵都縣詳設防事宜由批設立防兵招徠開耕洵今日地方急務設防事宜已牌行該縣查議仰卽酌議妥確報道以憑轉院發兵設汛招輯殘民寬宥脅從屢示不啻誨諄矣旣經復請候本道再示曉諭自李逆猖獗出師數月已屢奏擣巢獻俘之捷今釜底遊魂勢窮力蹙擒縛指日可待若該縣真有至誠惻怛之心實實以宥脅安民爲務境內良民人人親官兵而讐盜賊不出一月必有斬李逆之頭獻之轅門者若一味虛應故事使各院宏湯子遺書卷八

江西公牘

三

恩及本道真心不能達於鄉曲皆爲賊通信而不爲官兵嚮導地方何時爲甯宇乎該縣爲民父母勿以虛文塞責至望此繳

亟請多設禁卒等事

贛刑廳詳添設更夫禁卒由批府監內重犯一百八十名止以六名禁卒看守可謂疎弛極矣且多係欽案大囚與近日陣擒賊犯兇類聚於一處防守無人萬一奸宄叵測咎將誰歸獄中房屋不多此一百八十名中豈無一二情可矜釋者無重無輕一入囹圄數載不結目今天氣漸熱濕穢薰

嚴催奏銷軍器錢糧事

贛州府詳請留軍器錢糧製造火藥緣由看得虔南總江楚之樞鍵扼閩粵之咽喉卽在承平難忘網繆矧今海警頻聞伏莽思逞折衝禦侮雖藉勁旅而耀威制勝實資火藥爲長技前此疊經大變而金湯有磐石之固戰伐著克捷之功者悉賴火藥之力是以前院佟具疏題請准於存留軍器項下動用誠未雨徹桑之計也若將存贖銀兩盡行解部萬一小醜竊發火藥不敷且稍礮非本地所產採買弗及不亦深可慮乎此存贖銀兩亟應湯子遺書卷八 江西公牘

三六

請留爲製造火藥之用衆議僉同皆從封疆起見似不煩再計而決矣至春秋二季操練閱兵霜降俱係大典似難輕裁惟開門定更迎送火藥用過一千二百觔自應照數賠補今准總鎮移稱本鎮用過者捐資備補似亦可行伏候憲裁

移解投順自願歸農事

龍南縣詳翁源逆民涂茂星等投誠請示安插緣由勘得翁源縣小水瓦全壤聯龍邑粵寇出沒路必由此彼地居民涂茂星等供賊酒食罪固難辭而情非得已今因官兵搜勦畏死來歸不欲復回

原籍者無非恐本地受賊害者不能忘情復圖報復耳當會勦時原奉憲牌曉諭逆民有願投誠亦准安插歸農煌煌信義素孚遠邇自不便追究前惡以阻歸降之路但大兵會勦勢窮來歸安插之法不可不善該府議以當令附郭而居勿使聚處查粵賊尙未盡誅龍邑密邇翁源若革面未革心借招安之名仍暗通線索則地方重受其害亦非所以保全其身似不若檄行龍令將涂茂星等并家口押送來贛查詢願充伍者發營補伍願耕農者分發離粵稍遠各縣安插開種編入保甲仍取湯子遺書卷八

江西公牘

三五

鄰佑保甲田主結狀著令不時密密體察勿使暗出遠遊庶潛藏消不軌之心共遵維新之化反側歸誠後患可杜矣仰候憲裁批奪

亟請多設禁卒更夫以防不虞萬難刻緩事

贛刑廳詳多設兵役防獄緣由本道勘得贛州府獄內 欽案大囚與近日陣擒賊犯共一百八十

名止以六名禁卒看守萬一奸謀叵測關係匪細

今據該廳詳稱各邑例有額設禁卒動稱囹圄空

虛蓋各屬重犯向例俱解贛城皆羈府獄故府獄

幾於城市而各縣圖扉羅雀理固然也禁卒冒濫

工食毫無事事固不若如該廳之議照禁卒年貌冊坐名提取解贛守獄俟重犯歸結漸少仍行發回是不必另募禁卒另議工食而各縣無虛設之役重囚有防護之人本道已行該府照行并令多撥健壯防護及移行軍廳添設更夫再周圍細查必須牆垣高厚荆棘密樹更鼓巡邏達旦勿懈務保無虞仍確查一百八十名中有情可矜疑者立刻具詳請示酌奪保候寬釋外其派撥營兵防護據稱有舊例可循今日監內新獲賊犯甚多需兵防護尤不可緩但未奉憲示不便遽行合就轉詳

湯子遺書卷八

江西公牘

三

憲臺批示行營照例派撥庶監犯無意外之虞而地方免疎玩之愆矣

懇恩申文留兵鎮守以靖地方以安民生事石城縣呈詳請留兵防禦緣由本道勘得石城界連廣昌甯化甯都等處因去冬寇賊充斥民心驚惶申請憲臺發兵駐防因而賊聞風遠遁不敢窺犯地方稍獲甯謐之慶矣今該縣士民以賊氛未靖恐兵撤而賊復至又該縣去贛寫遠恐救應不及殘黎難堪蹂躪懇留久駐以爲靖亂安民之計且稱把總宋可林遵奉約束與民相安與其易以

他將則驟至地方兵民未免猜疑固不若仍留該
弁以安風鶴之人心可耳但該弁所領兵數無多
若狡賊猖狂仍當飛報請兵應援不可以此須防
兵遂爲足當一面也今准城守營移覆前來合就
轉詳憲裁

呈報盜賊劫船事

南康縣報窩坑被盜劫船緣由據此查得陸舉人
與客商黎世重等倚塘泊舟賊黨假稱差船結夥
戎裝持刀帶箭賸夜劫掠飛棹下流而去見有遺
落無號箭七枝似此強賊橫行江湖塘兵漫無稽

湯子遺書卷八

江西公牘

三九

察客船勢必裹足若非仰藉憲威嚴飭營將塘汛
併沿河府縣協力勦捕以靖地方奸宄何所畏懼
也况時已二更非客船往來之時飛棹而下沿河
塘兵何不攔阻地在南康之上五十餘里水路曲
折非二日不能抵贛關若該縣一面飛報一面星
夜追緝豈能飛渡至於儲廳雖職司商稅然開關
有時併懇諭令以後於抽收客稅之中併嚴譏
察之法無令姦宄漏網以爲客舟之害似亦疏通
行旅安緝地方之要務也據該縣申報前來除一
面行該縣勒令捕盜員役上緊緝拏務獲外合就

轉報統惟憲裁

又回詳三院前事

本道勘得窩坑地則南康縣所屬而塘則贛鎮城守營兵丁之分汛也十六年十二月十六日廣東新會舉人陸光祥與客商黎世重等黃昏泊舟塘下被賊劫掠塘兵事先漫不盤詰事後漫不救援本道據南康縣報文具詳呈報憲臺奉檄嚴查遵移行協營府縣查明被傷姓名劫去貨物及塘兵人數併飭沿途水陸挨緝真賊務在必獲毋容漏網免脫及受賄賣放去後今據該府縣查明舉人

湯子遺書卷八

江西公牘

四

陸光祥商人黃華曜黎世重鄺瑤唐御黃啞五六人各被刀箭中傷並未死亡其賊當晚遺棄棉布皮箱等件及盤纏銀兩俱係舉人挑回今已各歸廣東至於客商貨物會否盡獲無憑查考等情又准城守營孔副將移覆塘兵原派二十五名因調援江省調剿粵都回府領餉共去二十一名故止存汛四名併具有奉調塘兵姓名等由呈道總之此一案也賊船二十餘人俱係戎裝帶有弓箭明係營中悍卒捧讀憲檄真洞若觀火矣塘兵雖止四人當思設防分汛至意倍加嚴謹爲是旣追至

賢女鋪何不呼鄰塘汛兵協力追緝而優游復返
至十七日未時始赴縣通報何其漠不關心也通
賊之情雖無確據怠玩之罪百喙奚辭乎南康縣
離窩坑五十餘里路遠不及救應但境內失事責
無可諉相應嚴飭該塘百總程道成管隊蔣元龍
併該縣巡捕典史趙洪猷嚴督塘兵併捕快勒限
一月內緝獲真犯解審定招但不得借拏賊名色
嚇詐鄉民如有此等情弊及優忽怠玩過限不獲
應提究按律懲處可也既准據各協營府縣查明
移報前來合就轉報伏候憲裁

湯子遺書卷八

江西公牘

聖

軍務事

奉虔院蘇憲牌卽行贛縣嚴飭查實詳報今據該
縣覆詳前來據此本道看得李賊以山魅澤怪逆
天作孽鄉村被其蹂躪人民被其殺擄凡身任地
方之責者誰不痛心切齒思欲滅此朝食荷蒙憲
臺恭奉 天討遣將誓師信賞必罰恩威並用以
故士勇兵強踴躍用命今賊之巢窟已經搗破頭
目亦被擒獲李逆勢窮力蹙東奔西竄正如入釜
之魚投置之兔迷魂喪魄指顧之間可以授首若
鄉民齊心協力何難擒縛斬馘獻之轅門獨怪山

野愚民昧於逆順之機懼其平日之兇暴窩藏容
隱不肯與官兵通信及大兵聞信飛至則又早已
遁去以致兵馬暴露半載未有休息而逆賊猶得
偷生於荆棘之中也本道夙夜憂心奉憲頒發明
示遍檄各屬又大張曉諭委曲勸導使其知憲臺
懸賞宥罪恩信炳若日星自謂愚民雖甚頑梗亦
當渙然醒悟如寐忽覺與官兵相親而與盜賊爲
仇與官兵協力滅賊以保全身家而不與盜賊朋
比爲虐以自取誅戮也而不意近在贛縣境內猶
公然藏匿李賊之眷屬及賊兄弟黨羽如曲村一

湯子遺書卷八

江西公牘

三

帶者則該縣之不能仰體憲臺盛心使鄉曲頑民
洞曉無疑反邪歸正保甲盡成虛文團練亦無實
效怠忽之愆百喙何辭今奉嚴檄自知惶悚以巡
檢典史不足寄任欲奮身前往要轄地方以及窩
藏處所設法挨擠多方搜緝得其虛實真僞馳報
撲滅亦見悔悟振刷之意但該縣地處衝繁事務
冗雜且境界遼闊難免踈漏今旣欲親赴搜查或
可宥其徃愆責以後効是在憲臺垂鑒批示非本
道所敢擅便又查畢同知已奉憲委隨營搜緝賊
窩該縣或應於兵所未到之處分路搜緝或責以

嚴查保甲整飭鄉勇宣布憲臺德意使民真信無疑或令其親赴梓山催趨夫役必令叢菁一空賊無所匿務要竭盡心力共圖滅賊之事以不負縣令之職但倉庫獄囚不能乏人料理仍要速往速來不得久延以致疏虞自取罪戾可也統候裁奪

禁革私收鹽稅事

照得鹽課關係軍需南贛吉三府例行廣鹽邇來奉文派引一萬八千張各官俱有考成若無引私鹽得以橫行則有引官鹽必至壅滯國課告絀考成受累甚爲不便則疏通官鹽盤詰私販誠今

湯子遺書卷八

江西公牘

四三

日地方官第一要務也前據該府申詳大庾縣五里山肩挑無引鹽稅委鬱林司巡檢李人龍徵收緣由到道已經批發去後但此例不知創自何時原奉何衙門明文署縣齊同知呈詳復稅曾否通詳各院作何批示此項銀兩每年若干應解何衙門充餉旣曰無引便是越境私販緣何又公然縱放抽收私稅功令森嚴事非奉旨不便因仍往規合行查明禁止爲此仰府縣官吏卽查五里山鹽稅起自何年原奉何衙門明文齊同知呈詳復稅各院作何批示每年徵銀共若干應解某衙

門充餉查明報道如奉院憲行卽候本道轉詳院請示裁革如未奉院行文到卽出示永行禁止以後巡檢專司盤詰盜賊奸細逃人邪教私鹽等事不得擅自抽稅如敢不遵禁革仍前私收侵肥致私販公行官引壅滯一有訪聞定揭參究追決難輕貸文到卽具該府縣并巡檢遵依具由報道以憑查考仍將前批中正職掌一詳申繳

行查荒熟事

南安府呈詳崇義縣荒熟田畝緣由據此本道勘得自兵燹以後人民流亡田疇荒蕪則招徠勸墾湯子遺書卷八

江西公牘

四十四

上足國課下利民生自是有司職掌但未有以蒿萊滿目之地捏報開墾妄希恩典如原任南安府知府莊正中原任崇義縣知縣朱組綬之甚者也據該縣見任知縣周維新申報捏荒作熟情由蒙憲臺檄行本道隨轉行該府秉公確查飭令不可一毫徇致虧國賦又慮申詳出自該縣若仍委該縣查勘恐有朦朧蠲免冀脫考成之弊復委推官孫仁溶履畝踏驗據稱該縣七里荒蕪甚多造冊報道但其冊中捏報續墾及應蠲數目未經開明復駁該府覆核的確詳審緣由催提再

四今據詳稱順治十一年內併無花戶開墾認結
經承謝家繡任意開造認墾一千八百五十石零
二抄九撮九圭九粟一糝六粒報墾之後卽以十
二年起科編入全書繼朱知縣而來者病故知縣
王宰署縣訓導鄭孟焜亦未詳明捏報數中自十
一年至十六年陸續開墾過三百六十石六斗四
升三合零尙有未墾一千四百八十九石二斗九
升零此皆積歲老荒也慨念崇義昔年寇氛蹂躪
罹禍最慘百姓或轉死溝壑或身斃鋒鏑迄今戶
口蕭然村落闕如卽有一二子遺亦皆半菽不飽
湯子遺書卷八

江西公牘

四十五

一枝莫棲官斯地者不能竭力休養而反責令包
賠荒糧心何忍與今勸諭新墾三年後起科煌煌
特恩沾被海宇若不特請豁免是 朝廷軫恤

之澤爲一二守令壅蔽不得下究於崇民也且民
皆慮開墾之後卽追數年之逋欠必以開荒爲畏
忍視桀桀之莠而不肯負耜南畝諭之不從督之
不應情所必至則歲額正供斷不能完考成日嚴
參罰必甚是官之受累無窮也若有司但知功名
罔念撫字任意催科鞭扑日加是民之賠累無盡
也灰燼餘生何以堪此勢必爲驚鴻爲駭鹿轉徙

他方將見熟者漸次變荒而荒者永遠不熟所病者不但在官在民而國賦不大虧不止則今日仰懇憲恩特疏題獨一以副朝廷浩蕩之德意一以收流離困苦之民心而實亦足國賦安地方之長算也其捏報之田責令該縣多方招徠開墾遵照定例三年起科以信功令從此崇義之民知無賠累之害感被憲德必鼓舞耕耨地無遺利國無逋租所裨實非淺鮮也所有南安范知府孫推官崇義周知縣印結并荒熟冊及里遞結狀各二本一併呈報經承謝家繡見在府禁伏候湯子遺書卷八江西公牘

憲裁

查勘要隘地方量設官兵防汛等事

呈詳七處要害設防緣由本道看得虔南爲閩粵咽喉江楚樞紐層巒疊嶂深峒險坑妍究之徒時常出沒雖在承平猶煩兵旅載在輿誌可考而知也前蒙憲臺隱念伏莽未靖鷹眼實繁檄行查議要害設防前道轉行各屬酌議幾同築舍本道蒞任嚴催呈報適值海氛告警李逆復肆猖獗憲臺秉鉞誓師撫勦兼用今已立見蕩平然而地方險要歧路百出自非添設勁旅駐守阨隘以遏將來

之患恐此殘黎未得安然耕耨終非靖亂甯民之
長算也茲復奉憲檄念時異事殊境地不同再行
從長參酌本道豈敢拘泥成見不詳加確議隨轉
行府縣又備移行間各將相度地理形勢熟察賊
徑出沒遵照憲示細細商確今准據詳移除龍南
新興堡及甯都蕭田黃陂已奉憲行設兵駐汛無
容再議外今查贛縣之曲村萬木陰翳曲逕旁通
如湛田蓮塘九山紫山公埠鴨公嶂小禾溪及古
逕西嶺等處左右前後皆今日盜賊出沒之地而
曲村爲其總會則設兵未有急於此者其次則均

湯子遺書卷八

江西公牘

四七

村亦屬興萬交界山崗稍平較之曲村似爲稍緩
與國則蓮塘營前陽平觀三處接連永豐萬安上
通六關梅窖峒樟木山等處三處設兵則諸險皆
可控制矣雩都則石哈寬田與劉田尾韓婆嶂相
近平頭寨田屋與葛坳銀坑長樂里相近石哈平
頭寨設兵則諸險亦可控制矣至於萬安交界之
白羊坳乃廬陵泰和門戶仍候憲臺行吉安營撥
兵分防如此則要會扼塞星羅碁布然必擇營弁
中慎密守紀律知方略能約束兵馬諳練軍機者
統率無事則靜以彈壓耕鑿不擾而各鄉堡遵行

保甲條約自相稽察自相防衛遇盜賊竊發防兵
勦捕於前鄉勇協助於後鄰近各營聲息相通犄
角互應則奸宄無所容身而地方可奏甯謐之効
若夫應委何官應設兵若干雖洪遊擊與各縣俱
有條議然必酌量兩標兵馬實在數目先除留鎮
贛城爲居重馭輕之計外通融計議分撥是在憲
臺裁奪或移商總鎮酌妥議行

飭保甲分別兵民以靖地方杜混害民事

詳贛縣四坊鄉約劉主器等具呈保甲分別兵民
情由本道看得贛城當四省之交五方雜處土著

湯子遺書卷八

江西公牘

四八

居民僅十之三四而兵丁居其強半然民有保甲
受縣令之約束兵有伍籍守營將之紀律責任旣
專稽察猶易獨是有卸糧之閑丁在營中雖已除
名而往來形跡無異平時百姓何由覺知更有前
院鎮長隨遺留不歸問之營將則非兵問之縣令
則非民鄉約不知其姓名甲長亦畏其威勢者比
比也於是有無藉光棍假冒營頭以嚇詐鄉民者
矣甚之有旗下逃人改名易姓錯居坊保而無人
覺察者矣又有江洋大盜蹤跡詭祕因與營兵親
識而無人盤問者矣奸宄之徒旣有窟穴平時鄉

保鄰佑不敢稽察及事敗露并羅法網情實堪憫
此劉主器等所以激切陳控也今參酌府縣詳議
兵民各爲一牌兵丁每家門首懸牌一面上書本
兵姓名係某標某營某局兵丁男婦大小幾名口
有無異姓親識同居用本營關防鈐蓋居址相近
者十家立一甲長僉互相稽查仍嚴責成千把百
總各稽察本管兵丁如營兵爲盜自屬紀律不嚴
之罪又每兵入伍必取營官並無逃入逃兵奸宄
匪類其結存案方准入伍若其中仍有逃人逃兵
奸宄匪類或招來踪跡不明之人而不能覺察出
湯子遺書卷八

江西公牘

四

首者是從前旣朦朧出結後又通同徇庇罪何容
辭若裁汰除糧及犯事革伍者該營卽將姓名移
送府縣另改編入民牌不得含糊令兩處影射以
滋奸弊如此則眞兵之保甲清矣若民則責成韻
縣令各坊居民亦照前式各置門牌上書某人年
若干歲係某縣某里民籍或某衛某所軍籍男婦
大小幾名口作何生理如係生員卽書某學生員
如係衙役卽書某衙門或書吏或快手之類有無
異姓親識同居牌用縣印鈐蓋其有外省流寓或
開鋪面或係傭工如居住已久來歷分明卽取鄉

約地方認實保結一體編入保甲其門牌上併書保甲姓名以便稽核其十家長俱照舊式遵行如此則軍民之保甲清矣仍責令十家長各置門簿一扇如某家今日多某人若係平常往來親識不必盤問如面目可疑卽同衆問是何姓名現在何處居住來此何幹註之於簿去後方銷如某家今夜少某人便同衆問往何處去作何事體亦註之於簿回來方銷若虛出實歸乍貧乍富形蹤閃爍言語錯亂便首之縣官以憑查詢明白若借端需索升穀分銀許本人首告從重追究至於前院鎮

湯子遺書卷八

江西公牘

五

長隨留住者如年力壯健願入伍者仍收入營食糧若年老力衰不願充兵者令討的當真實保人一體編入保甲不得倚恃強梁使鄉約甲長不敢稽查以爲地方之害至於往來客商許各店家每晚開列姓名貨物及初到併起行日期赴府縣投報以備查考如此則不兵不民流寓無根之徒清矣總之 功令至今日嚴切已極一有疎忽官民功名身家所係甯過嚴勿過寬初行似近於繁瑣行之既久兵民不相妨礙奸宄無所容匿雖人烟雜沓而綱維條條不紊地方安堵文武官皆無意

外之累矣

移解事

呈詳賊犯周禮明等案緣由本道看得李逆倡亂山澤愚民甘心從賊者有之被其威脅脅者有之論法則凡在賊營皆難邀不法之條然罪非首惡情可矜疑承讞者因不敢一筆註定以傷朝廷浩蕩之恩也周禮明鍾亥吳長仔甘心從賊屢審無異惟劉元升因口供游移隨駁贛府覆訊據稱與蕭瑞文對面相質稱元升自九月十四日拏去十月十三日拏回在營二十日始雖由於迫脅繼則湯子遺書卷八 江西公牘

至

出於情願事關賊黨與周禮明等三犯難分差等應候批示移司成招定罪蕭瑞文果年尙幼稚全家殺戮網縛盜穴非甘心從賊者比所當與王元生一併超釋先行縣取結安插以宏憲臺解網之仁者也合候批示遵行

積病難痊懇恩速賜題請俯准休致無誤巖

疆事

竊惟本道一介寒儒叨授史職兩任方面自以捐軀不足報稱萬一受事以來茹蘗飲冰凡地方兵民疾苦時事利弊加意釐剔不敢時刻懈怠幸蒙

憲鑒垂照獲免罪戾不期賦質薄脆積勞成疾至
日怔忡時作筋骨疼痛飲食鮮少醫生診脉卽言
幼年思慮勞役心血枯槁脾胃損傷肺火燥急若
不靜養調攝恐一發不可救藥本道以時方多專
夙夜憂心何暇調攝夏月瘧痢交作猶抱病視事
不期南安月夜巡城山嵐毒霧最易侵人虛損之
後感以瘴癘夙病陡發頭眩耳鳴氣喘上湧乾嘔
不止脊臂痛如刀刺心中怔忡不甯潮熱盜汗腹
中塊瘕疼痛異常飲食不進竟夜不眠聞人言語
則心神荒亂醫生劉良相劉應芳終日驗視服藥

湯子遺書卷八

江西公牘

五

竟無功效竊思南贛兩府爲四省咽喉地重事繁
憲臺勵精圖治晷夕弗倦以本道駑鈍之才卽竭
盡心力猶懼不能仰佐高深而積疴在身日事藥
餌雖憲臺過爲優容本道何以自安况五臟皆虛
損已久斷非朝夕可愈調理不痊所關本道一身
猶小事體廢弛所關朝廷地方實大哀懇憲臺
垂念南贛要地非病軀可以料理慨賜具題准
令休致倘得謝事歸里或可勉力調攝稍延殘喘
情蹙詞迫言無倫叙萬祈鑒宥

病勢愈加服藥罔効再懇恩憐蚤賜具題休

致生還故里事

竊照本道庸劣之才荷蒙憲臺高厚深恩受事以來夙夜飲冰拮据不遑弗敢一刻懈怠以負隆恩昨於本月初九日具有積病難痊等事一詳懇請代題休致未奉憲批示每日延醫調治務求速痊一面扶病料理公事不期病勢愈加日甚一日湯水不進晝夜不眠痰氣上湧嘔吐不止百節痛楚皮骨僅存六十七兩夜昏沉不醒人事賴家人環救至黎明方甦二十二夜又復如是遙望家園實有不獲生歸之慮故不禁急切呼籲焉目今病湯子遺書卷八

江西公牘

五

勢危篤業已至此而簿書繁心夢寐不甯公務必至廢弛骸骨恐難生還憲臺栽培真同覆載當必有惻然動念者茲再懇洪恩垂鑒真情慨賜具題倘得生還故里與高年父母一面世世頂戴高厚矣本道年甫三十功名非易况南安仰邀憲臺德威地方粗安若病勢不至急迫誰肯輕解組綬統祈鑒察本道幸甚地方幸甚

直陳病源仰懇憲鑒以光大典事

竊照本道猥以庸菲謬當繁鉅受事以來飲水自誓雞鳴而起日昃不食目擊疲頑刻意興除不遺

餘力務期振起夙弊以仰答憲臺高厚之恩無奈
負質尪弱積勞成疴先瘡後痢醫藥不痊後因海
氛告警人心洶洶晝夜綢繆不敢時刻怠忽虛損
之餘遂成篤疾於九月十九日奉虔院憲票爲調
商機務事照得贛當四省衝區際茲多事之時一
切軍機重務雖由本都院籌畫而彈壓兵民綏緝
地方相商妥確猶惟監司是賴今該道遠駐南安
凡有機務商酌必待文檄往返致滋濡滯合亟促
回爲此仰守北道官吏照依事理文到卽便束裝
起行星速回贛商酌地方機務料理未完事件共

湯子遺書卷八

江西公牘

五

勸本院之不逮可也毋得遲延奉此本道卽日赴
贛星夜馳驅毒霧侵傷抵贛而病遂不起矣已兩
次具詳憲臺自當靜候批奪何敢紛紛瀆請但目
下憲旌臨贛一應囚犯審錄錢糧綜核官吏考察
操練監射以及隨巡二郡屬邑皆係本道職掌茲
者呻唵床褥百節痛楚痞塊塞胸醫藥無靈偶披
一文卽時昏暈本道曠職之罪百口莫辭其於憲
臺代狩大典未免隕越若不先期陳明必至臨期
誤事查本道同城知府范時秀青年老成事事振
刷吏弊民情知之已熟伏祈憲臺垂念隨巡大典

不可缺官暫將道篆批令代管仍一面責令兩郡一應緊要事件刻期料理本道得稍事藥餌延殘喘以候會題庶大典有光而疾不至驟殞朝露矣

積病難痊懇恩速賜題請俯准休致無誤巖

疆事

蒙按院李批本道呈詳前事蒙批虔南當地方多事之秋正藉屏藩振刷以起瘡痍該道未可以病乞休也宜力疾視事可耳此繳又於十一月初九日蒙本院批本道詳爲病勢愈加服藥罔效再懇恩憐蚤賜具題休致得生還故里事蒙批該道照

湯子遺書卷八

江西公牘

五五

前詳力疾視事可也仍候撫院詳行繳蒙此本道捧讀憲批不勝感激竊自念賦性疏拙才力短淺仰蒙憲臺高厚生成捐糜難報况值代狩虔南正百寮瞻仰德容俯聽甄別之時本道不幸久染沉痾醫藥罔效見風則體戰心搖披文則頭眩目昏腿軟筋縮扶掖後行不能匍匐轅門一供鞭策中心惶惶寤寐靡甯然兩奉憲批俱令力疾視事又見憲件未完甚多不敢以病自諉於昏暈之餘勉力料理自謂一息尙存此心不敢少懈不意於本月二十三日檢點號件差役齎比遂頭眩眼黑昏

倒在地家人灌以姜湯許久方甦故不敢不再懇
切哀籲仰冀憲臺垂察抑本道病源更有實情萬
難自遣者本道年十四歲卽遭闖寇破城母仗節
罵賊殉難最慘本道已抱終天之恨嗣後流離間
關惟父子相依爲命今父年已衰老久患腸澼家
鮮良醫藥餌毫無功效左右伏侍並無以次子姪
本道赴任時便道歸省以憑限急迫不敢久留遂
星馳就道臨行之時父執手涕泣曰我病萬難支
持你今遠去南安四千餘里不知何時得再相見
本道聞之心肝裂碎馬首南馳方寸昏亂抵任以
湯子遺書卷八 江西公牘

五

後見諸事廢弛竭蹶經營心血損耗終日忽忽若
有所失兼以瘴癘交侵水土不服一病遂成沈痾
若溘先朝露爲異鄉之魂老父聞知病必愈加是
本道廢弛地方不可以爲臣病貽親憂不可以爲
子午夜號泣中心如刺情實急切自非醫藥所能
奏效前通詳四院已蒙批委府廳行查併取醫生
甘結申報在案恭念憲臺深仁宏恩本道承被最
深未蒙批允夙夜弗甯敢冒威嚴盡吐微情萬懇
垂鑒下悃字字實出本心病入心腑實難掛遣非
敢一言虛假以誑憲聰更望垂念巖疆難容卧理

貽誤地方立賜題請罷斥歸里倘得生還與老父相見世世頂戴高厚外官告病例不起用本道非情不得已甯不顧惜功名自甘廢棄卽此可察本道之心矣情急詞迫冒昧呈請統惟鑒宥

逆渠旣獲處置宜斷謹陳善後之計仰冀採

擇以靖地方事

竊照本道以庸菲之才謬當重地夙夜兢兢未敢怠忽不意夙疾陡發醫藥罔效今奉 旨休致候部文到卽當卸事出疆犬馬微軀得以生還故鄉實出萬幸竊念本道一介書生叨蒙 天寵讀書

湯子遺書卷八 江西公牘

五

中祕洊歷方面 君恩深重涓埃莫報今當沈疴呻吟之際目擊地方大利大害不敢以已去之身緘默不言以負 朝廷生成之恩憲臺栽培之德謹冒昧開列三四欵伏候憲臺鑒奪

一誅首逆以絕後患逆賊李玉庭依山據險梗化有年惡浮躋阨威比黃巢潛通海寇家藏偽諭以人命爲草菅以淫擄爲遊戲鰥人之夫孤人之子今雩興之間田疇荒蕪人民死亡逃竄者伊誰之罪也幸賴憲臺神謀妙算就我戎索似當立正典刑懸首藁街以洩萬姓之忿以安反側之心而久

羈囹圄與從前陸續擒獲賊黨併舊日欽案大
犯與夫株連未結之徒同遊圍扉之內且在外借
名招安鷹眼未化者耽耽虎視彼以應死之身百
計求脫其心必專晝夜經營萬一變出意外不知
何以禦之此切膚之患不可不爲之蚤計者也伏
祈憲臺迅速會疏以慰 朝廷宵旰之憂將李玉
庭李庭甫張勝等逆蚤賜正法庶渠魁旣滅人心
大定矣

一慎招降以安人心宥過招降 朝廷浩蕩之典
炳若日星然賊有不同降亦各異有原本良民被

湯子遺書卷八

江西公牘

五

賊迫脅不得不從大兵一至倒戈投順者有積逆
稔惡見大兵追勦勢窮力蹙假投降以延殘喘而
心仍不可問者原本良民其情可矜以得生爲幸
永無他念矣至於積逆稔惡名爲投降而心仍不
可問者如李秀庭張甯嚴勝等是也此輩罪大惡
極今旣投誠自當寬宥前愆然必當使知 天恩
浩蕩徼幸得生洗滌肺腸革心向化將從前所擄
人之妻子所勒人之田產牛馬盡數退還方可准
其安插如仍前霸占且勒逼重價求贖威陵污辱
無所不至是從前爲山賊而今爲官賊也小民之

冤何時可伸伏祈憲臺垂念投誠之中等差各異
分別處置勿使狡猾者遂其奸計長其兇謀至於
被賊迫脅情可矜憫或年方幼穉不堪荷戈者直
當放令歸農復種良民不必強之入伍徒糜糧餉
則地方可弭無窮之患矣

一寬脅從以宥無辜李逆倚恃險阻大肆猖獗良
民被其荼毒誰不飲泣吞聲然而勢微力孤一與
之抗身家性命一旦灰燼及至兵來彼已遠遁故
良民雖視爲深讐而不敢顯與之絕此情較之與
賊爲敵者更慘也從前渠魁未獲故搜緝黨羽冀

湯子遺書卷八

江西公牘

五九

得李逆蹤跡今李逆旣已成擒凡從前緝拏各犯
似當詳審確情如真正通謀叛亂者罪在不赦外
若屬影響無的據者念其原屬吾赤子槩從寬宥
以昭憲臺解網之澤使民知賊無倖生之法民無
枉死之患山澤遺黎永戴隆恩矣至於原報被獲
難婦尤當速行各該原籍令親屬領回不宜久羈
伏候憲裁

一設防兵以靖反側贛南二郡當五嶺之要會處
四省之錯壤層巒疊嶂密箐深林封豕長蛇易爲
巢窟前代至今時常跳梁雖亦興師動衆殲魁俘

囚而旌旗甫旋餘燼復熾且洞壑曲邃鄰境旁通
終難剷厥根株空其峒壘其地勢然也故於盜賊
已形之後擇險而出奇不若於盜賊未聚之先因
險而預備使彼不得生發發不得肆志則勝算在
我可保無虞矣本道去年受事未幾奉都院檄行
據各縣查勘要隘方在呈詳而海氛告警李逆猖
獗使其巢穴前後蚤設重兵統以慎密將弁可以
朝發夕擒何至勞師半載今幸仗憲臺威靈元兇
被縛恐餘黨未盡善後之策不可不爲之預計也
今各縣重地除龍南之新興堡及甯都之蕭田黃

湯子遺書卷八

江西公牘

辛

陂已奉憲行設兵駐汛無容再議外查贛縣之曲
村萬木陰翳曲徑旁通如湛田蓮塘九山紫山公
埠鴨公嶂小禾溪及古逕西嶺等處左右前後皆
盜賊出沒之地而曲村爲其總會此今日地之最
要者雩都則石哈寬田北有韓婆嶂東有石井木
瓜南有龍泉逕相連不過數里石哈叢山險峒岫
逕百出然地隘難以安營前奉發防兵亦移駐寬
田寬田設兵則諸險皆可控制矣平頭寨爲雩興
石甯四縣之界與葛坳銀坑長樂里相近皆屬重
地平頭寨設兵則諸險皆可控制矣至於興國則

蓮塘營前陽平觀三處接連永豐萬安上通六關
梅窖峒樟木山等處羊腸曲逕險阨最甚此亦當
設兵彈壓者以上各汛似各得兵二三百名統以
守備或經制千總等弁又萬安交界白羊坳乃廬
陵泰和門戶前朝大司馬郭諱子章建議議以吉安
營兵分防其地今仍懇憲臺檄行吉安或萬安營
酌量撥兵分汛則要會扼塞星羅碁布然必擇營
弁中慎密守紀律知方略能約束兵馬諳練軍機
者統率無事則靜以彈壓耕鑿不擾而各鄉堡遵
行保甲條約自相稽察自相防衛有事則相機夾
湯子遺書卷八 江西公牘

空

攻與鄰近各營聲息相通犄角互應庶奸宄無所
容身而地方可奏甯謐之效又當戒諭各將使知
地方無事卽爲上功不得借端搜求以滋騷擾使
民知有設兵之利而不見設兵之害此實今日善
後之要策不敢不懇恩於憲臺者也伏候憲裁地
方幸甚

巨蠹蝗國劣矜抗官事

呈詳犯人湯吉先等招由本道看得湯吉先以吏
房書役承行援納銀兩因司催緊急商同本房書
手吳元試借支存留庫銀以完 欽件此移緩就

急原非侵欺可比但承解獲批不迅速回銷以致該縣疑其侵盜今所借銀兩已經署印陳同知去任吳知縣陸續追完補歸正款而吉先復稱清獄保外免脫無蹤嚴催緝拏兩載不獲吉先愚而玩法厥罪難辭按律那移出納還充官用以監守自盜論所以重監守之防也吉先與吳元試仍照原擬於法不枉其子湯大榮以青衿代母求寬辭或過激情非得已世豈有身列蠻序坐視其母出官刑辱而不爲之分剖者乎旣無裂帶碎衣之事明係該縣遷怒妄申褫革實爲太過仍當還其衣頂

湯子遺書卷八

江西公牘

三

以伸士氣但現今在逃若准其復學彼或聞風來歸如仍退遁不返使彼以曠學見黜庶諸生知不至以母獲罪絃誦之地猶有彝倫也至於經承蕭應章不諳律例妄引贖條與吉先族長湯達元岳父廖迪如保歇蕭德分別擬杖以儆怠玩但事在十五年正月 恩赦之先今又逢新赦應否援免

呈報任內汰革冗役事

竊照裁汰冗役屢奉 嚴旨申飭誠以衙門多一役則多一作弊之人也本道欽奉勅書內云首在約束衙門官吏胥役使知恪遵法紀毋致作弊生

事擾害官民監司本源既正方可表率屬員克循
職業欽此本道自蒞任以來夙夜砥礪茹蘖飲水
上畏 功令下畏民暑於內外衙役繩約惟恐不
嚴雖官舍民舍名色前道久已裁革而現在供役
者猶未能盡循經制本道盡數裁汰復查其有從
前輿詞被訟逋糧曠役及辦事怠玩誤公者隨即
責革出示曉諭仍行牌原籍縣分照民一例當差
取結存案不許假借衙門名色招搖鄉里至於一
切文案俱本道親自裁定併不假手書吏與僚屬
相約惕以 功令森嚴民生困苦 欽件憲件關

湯子遺書卷八

江西公牘

辛三

係重大限期刻難違逾其奉行遲滯惟嚴檄催提
甚之破面切責斷不輕差一役下縣以此衙役叢
奸者少亦無差遣不敷之患今本道因病請休出
疆在邇謹將汰革過各役姓名呈報憲聞伏祈鑒

照

